

جريدة محاكم

جمعه ايرتسى

تومرو	ذى القعدة	سنة	مايس	سنة	هجريه
۷۰۶	۲۵	۱۳۱۰	۲۹	۱۳۰۹	۱۰۴۱۳

(اشبو غزته بهر هفته جمعه ايرتسى كونلرى چيقار . سنه لىكى در سعادت ايجون مجديه يكرمى غروش)
 (حسابيله التمش غروشدر . طشره لر ايجون اون بش غروش پوسته اجرتى ضم اولنور . بهر)
 (نسخه سى ينه مجديه يكرمى غروش اولمق اوزره يوز پاره يه هر يرده ساتيلور . درج اوله جق)
 (اعلا ناك هر برندن بر مجديه اخذ اولنور . سنه لىكنه مشترى اولمق استيانلر عدليه نظارتى)
 (دائره سنده كائن جريده محاكم اداره سنه مراجعت ايلمليدر)

قسم رى

مديكنه وكاتب ومعاون مومى اليهمانك يكد يكرنى
 ضربه جراتلرى ثابت اولمسندن ناشى كندولرندن
 جزى نقدى استيفاسنه قرار و يرلشدر .

يكد يكرنى ضرب ايتلرندن ناشى تحت محاكمه
 التمش اولان رأس العين قضاسى نائى و بدايت
 محكمه سى رئيسى سايمان افندى ايله محكمه مذكوره
 باش كاتى سابق احمد حمدى ومستنطق معاونى
 وصفى افدينك زور سنجاغى بدايت محكمه سنجه
 جريان ايدن محاكمه لرى نتيجه سنده رئيس
 مومى اليهك موجب مواخذة برحالى كوريله .

قسم غير رى

ارغنى سنجاغى بدايت محكمه سى جزا دائره سنك

۱۴ اگستوس سنه ۳۰۸ تاریخ و یتش نومرولی
اعلامی مع متفرعات باش مدعی عمومیک مأموریت
علیه سندن عن شعبان سنه ۳۱۰ و ۶ شباط سنه ۳۰۸
تاریخ وایکی بیک یدیسوز اوتوزدورت نومرولی
تبلیغنامه ایله محکمه تمیز جزا دأره سنه ویرلیدیکندن
مطالعه اولندی .

مذکور اعلام مالی اغنام غصب و سرقتی
ماده سندن طولای جنایتله اتهام اولنان محمد اوغلی
موسی ایله فراری رفیقارینک قانون جزانک
التش ایکنجی ماده سی علاوه سنه توفیقاً اوچر سنه
مدتله کورکه قونلمسینه و عیسانک جنبه ایله
محکومیتنه دأر اولوب تبلیغنامه ده دخی مستنطق
قرارنامه سنده متهمونک فعلاری قانون جزانک
جنبه یه دأر اولان ایکوز الی ایکنجی ماده سنه
توفیق ایدلیدیکی حالد سهاو جنایتله لزوم
محاکم لری کوسترلش و بوسهوک هیئت اتهامیه دن
تصحیحی اقتضا ایدر ایکن مسکوت عنه براقیله رق
علی العاده جنایتله اتهام طلیله هیئته تودیع اولنش
و هیئت مذکور جه بوجه نظر اعتباره التمددن
بشقه فعلک ماهیتی اعتبار یله مناسبتی کور یله میان
و کذلک جنبه نوعندن بولنان ایکوز اوتوزنجی
ماده قانونیه نک ذیلی مدلوله توفیق جرم اولندی
حالد جنایتله اتهام اولندقلری کوسترلش اولسنه

و هر قدر معاملات مسروده محکمه جه سهوه
تحمیل ایله تاویل ایدلش ایسه ده بر حکم جنایتک
مبنی علیهی اولان تفرعات ابتدائیه نک بویله بر
صورت غیر قانونیه ده وجودی میدانده ایکن
معاملات متعاقبه سنک موقع تدقیقه وضعی جائز
اولمیه جفته بناء اعلام مذکور ایله هیئت اتهامیه
مضبوطه سنک نقض و فسخی طلب اولنشدر .

اوراق سائر دخی قرائتله تدقیقات تمیزی به
اجرا اولندقدن تبلیغنامه ده سرداولنان اعتراضات
بجا و قانوناً فسخ و نقضی مستلزم اسبابدن اولغله
اصول محاکمات جزائیه قانونک اوچوز اون
دردنجی و اوچوز یتش طقوزنجی ماده لری
موجبجه سالف الذکر هیئت اتهامیه مضبوطه سنک
فسخنه و معاملات متعاقبه دن اولدینی جهتله بالطبع
منفسخ اولوب تدقیقه محل اولیان اعلامک دخی
نقضنه و ایکوز غروش اعلام خرجنک بالتحصیل
محکمه تمیزه لزوم ارسالنه ۲۰ شباط سنه ۳۰۸
تاریخنده قرار ویرلیدی .

فی ۶ ذی القعدة سنه ۳۱۰

وفی ۱۰ مایس سنه ۳۰۹

اوزره بعض شاهدلره متهمک وقوعبولان طعی
جهتی تحقیق ایدلماش اولدیغندن بختله اعلام
مذکورک نقضی طلب اولنشدر .

اوراق سائر دخی قرائتله تدقیقات تمیزی به
ابتدار اولندقدن تبلیغنامه ده محررا اعتراضات وارد
و بجا کورلمکله اعلام مذکورک اصول محاکمات
جزائیه قانونک اوچوز اون دردنجی ماده سنه
توفیقاً بر موجب طلب نقضنه و ایکوز غروش
اعلام خرجنک بالتحصیل محکمه تمیزه ارسالی
لزومه ۶ مارت سنه ۳۰۹ تاریخنده قرار
ویرلیدی .

فی ۱۵ ذی القعدة سنه ۳۱۰

وفی ۱۹ مایس سنه ۳۰۹

سیروز سنجانی بدایت محکمه سی جزا
دأره سندن ویریلوب باش مدعی عمومیک
مأموریت علیه سندن ۱۸ شعبان سنه ۳۱۰
و ۲۳ شباط سنه ۳۰۸ تاریخ وایکی بیک طقوز
یوز التش نومرولی تبلیغنامه ایله مع اوراق متفرعه
محکمه تمیز جزا دأره سنه کوندریلان
۲۴ جاذی الاخره سنه ۳۱۰ و ۳۱ کانون اول
سنه ۲۰۸ تاریخ و اوچوز طقسان الی نومرولی
اعلام قرائت اولندی .

مال اعلام جمعه بالا قضاسنه تابع استوه
قریه سی اهالی سندن عبدیش بن عبدینک ماده
قتلندن طولای جنایتله اتهام اولنان قریه مذکورلی
دلی احمد بن علینک قانون جزانک یوز یتش
دردنجی ماده سنه تطبیقاً بعدالتشهر اون بش سنه
مدتله کورکه قونلمسینه حکم اولندیقنی حاوی اولوب
تبلیغنامه ده دخی متهم ایچون بالتخلیف تعیین قلنان
ترجانه مؤخرأ مخبرلر حقنده دخی ترجمانلق
ایتدیرلیدیکی حالد کندیوسی بوندن طولای تخلیف
قلنامش و مدعیلرک بیان ایتدکری نزاع ماده سی
و مخبرلرک متهمی تشخیصلری قابل اولوب
اولدیغنک بحق تمینی ایچون اولکیجه مهتاب
اولوب اولماسی و لایحه تمیزی ده کوسترلدیکی

طرابلس غرب بدایت محکمه سندن ۱۹ تشرین
اول سنه ۳۰۷ تاریخی و اوتوز الی عددی ایله

ویریلان اعلامك تمیزینی استعدا ایدن نفس
طرابلس غرب قصبه سنك كرك الحروسه محله سی
اهالیسندن وفلمنك دولتی تبعه سندن اسرائیل
ناحوم اوغللری افرایم ویناسك وکیلی مفردج
اساسیان افندی بوم معینده دائره یکه لک و مدعی علیه
قصبه مذکورده ساکن ایتالیا دولتی تبعه سندن
ایساق حسان کلدیکی کبی جواب لایحه سی دخی
کوندردیکندن یالکز وکیل مومی الیهك ایضا حات
شفاهی سی استماع قلندقدن صکره تدقیقات تمیزیه
اجراسنه ابتدار اولندی .

اعلام مذکورك خلاصه مالی مزبور ایساق
حسانك احمدفرقتی افندیدن باحجت شرعیه اشترا
ایتمش اولدینی معلوم الحدود بر باب خانه ده مستأجراً
اقامت ایدن مرقومان افرایم ویناسك خانه
مذکور ایله جمله مشتملاتندن بولنان مغازه یی
تسلیمه دن امتناع ایتکده اولدقلندن بخله
تخلیه سنی دعوی و مدعی علیهما دخی هر نه قدر
مذکور مغازه خانه نك مشتملاتندن ایسه ده ذکر
اوانسان خانه احمد فرقتی افندیك ید تصرفه
کچمزدن یکریمی سنه مقدم کندولرینك مورثی
طرفندن افراز اولنه رق اوزرینه اسمی یازلمش
اولمله مغازه ده اقامتلری انتقالاً متصرف صفتیه

استماع قلنان شهودك شهادتی و ابراز اولنان
حجتلر مندرجاتیه ثابت اولمش و مدعی علیهمانك
مغازه نك آخر خانه نك مشتملاتندن اولدینی
حقننده کی افاده لری آخرك مالی اولدینی ادعایك
اولوب کنندی تصرفلری اثبات ایده مامش
اولدقلندن و مذکور خانه یی ذی الید بولنان
مرقوم ایساق حسانك خصوصتی بدیهی اوله رق
احمدفرقتی افندیك شخص ثالث صفتیه حضوری
حقننده کی ادعای شایان التفات کور یله مدیکندن
احمد فرقتی افندی ذمتنده الاجق ادعا ایتدکری
اون بش بیک غروش مقابلنده مذکور خانه یی
احمدفرقتی افندیدن استیجار ایلدکری دعواسنك
وعد مخیر قیلندن اولوب بونك مدعی یه تعلق
اوله میه جنی واشبو وعد مجرد ایله عقد ایجارك
ثابت اوله میه جنی بیانیله مجله نك بیک سکر یوز
اون بدنجی و بیک سکر یوز اون سکرنجی ماده لری
موجبجه مذکور خانه و مغازه نك مدعی ایساق
حسانه تسلیمه حکمدن و مستدعی تمیز وکیللری
مفردج اساسیان افندیك واشبو حکم علیه نه
درمیان ایلدیکی باشلوجه اعتراضی مغازه حقننده
باعرض حال دعوی وقوعبولامش ایکن مغازه یه
حکم اولنسی و منازع فی اولان خانه یی موکلارینه
ایجار ایدن احمد فرقتی افندیك انشای محاکمه ده

حضوری مجله احکامندن اولدینی حالد مومی
الیهك حضورینه رعایت اولنسی و ابراز اولنان
حجتلرده مغازه یه دائر بر صراحت یوق ایکن
شهود شخصی استماعیله اولباده حکم ویرلسی
مغایر قانون اولدیفندن بخله اعلام مذکورك تقضی
استدعاسندن عبارت بولمشدور .

ایجابی مذاکره اولندقدن اعلام مذکور
مندرجاتندن منفهم اولدینی اوزره منازع فییه
اولان خانه یی مدعی علیهما افرایم ویناسك بابع
احمدفرقتی افندیدن استیجار ایتدکری عندالحاکمه
مدافعه درمیان ایدرك مومی الیهك دخی انشای
محاکمه ده حضوری لزومنی بیان و انبا ایلمش
اوللرینه و مأجوری مستأجردن دعواده
موجرکده حضوری مجله نك بیک یدیوز التمشجی
ماده سی اقتضاسندن بولنسنه نظراً اشبوا ایجار
دعواسنك انشای محاکمه سنده مومی الیه احمدفرقتی
افندی حاضر بولندیرلررق انك حضوریه بالتدقیق
تیین ایده جك حاله کوره برقرار ویرلسی لازم
ایکن مدعی علیهمانك اولباده کی طلبلرینك عدم
اختفاسیله بولازمه قانونیه دن ذهول ایدلسی
و محاکم نظامیه ده هر دعوی عرض حال ایله اقامه
ایدلك مقتضی اولدینی حالد مدعیك اعطایلدیکی

دعوی غرض حالنده مندرج اولیان مغازه حقنده
عدم سبق دعوی جهتی نظر مطالعه به التمسین
مذکور مغازه به دخی حکم ویرسی و ابراز اولیان
مبايعه حجتارنده مغازه به دائر بر صراحت
اولدینی حالده مذکور مغازه به خانه نك جلاه
مشمولاتندن اولدینی مذکور حجتار مندرجاتندن
الكلاشكليك بيان ایدلسی یواسر و اصول و قانونه
مغایر و مستدعی تمیز وکیللرینك اعتراضی دخی
بوجهته متدائر اوله رق موافق نفس الامر بولنش
اولدینندن اصول محاکمه حقوقه قانوننك ایکی
یوز اوتوز ایکنجی ماده سی موجبجه اعلام مذکورك
تفضیله قانون من بودك ایکیوز قرق دردنجی ماده سی
حکمنه توفیقاً کیفیتك یکیدن بالرؤیه اعلامه
ربطی ضمننده محکمه مرقومه به اعاده سنه و زیرده
مفرداتی مرقم در تیوز درت بحق غروش مصارف
تمیز به نك ایلروده حقسز چیه حق طرفه رجوع
ایتمك اوزره اول امرده مستدعی تمیز افرایم
و بنیاسدن التمسینه ۳۰۸ شباط سنه ۱۳۰۸ تلخیننده
متفقاً قرار ویریله رك تفهیم قلندی .

یکیشهر بدایت محکمه سندن ۲۶ کانون ثانی
سنه ۳۰۲ تاریخی ویتش بش عددی ايله صادر
اولان اعلامك تمیزینی استدعا ایدن یکیشهر قضاسنه
تابع مرمره جق قریه سی اهالیسندن مرجان
و مار دیروس و آرتین ايله تمیز علیه قریه مذکور
اهالی سائره سی کلنکارندن باش مدعی عمومیلک
مأموریت علیه سنك مطالعه نامه سی الندقندن صکره
تدقیقات تمیز به اجراسنه ابتدار اولندی .

اعلام مذکورك خلاصه مآلی قریه مذکور
اهالیسی وکیللی ذنوب اغانك مرقوم مرجان
و مار دیروس و آرتین ايله اتی نفر رفقا سنك
تجارت قصدیله خارجدن بالمبايعه قریه لرینه کتیرمش
اولدقلى معلوم المقدار اغنامی اهالی قریه نك
حیواناتنه مخصوص مرعاده رعایا تمکده اولدقلى نندن
بجمله آخر محله تقليله برابر احداث ایلدکاری
اغیللرك هدمنی طلب و دعوی ایتمی و عندالحاکمه
مرقومون دخی حیوانات مذکوریه کنندی
خانه لری حولیسنده انشا ایتدکاری اغیلده اقامه
ایدوب قریه مذکورده کائن عهدۀ تصرفلرنده
بولنان اراضیده رعایا ایتدکارینی مدافعه درمیان
ایتملری اوزرینه جریان ایدن محاکمه و تدقیقات
نتیجه سنده مدعی علیهم مرقومون مذکور اغنام

مطالعه نامه مندرجاتی دخی اهالی قریه نك قوم
محصور اولوب اولدقلى نيك تحقیقه قانون
داره سنده تشکیل طرفین ایدلماش و مدعی عمومی
استماع قلنامش و کشف ماده سی محکمه اعضاسندن
بری معرفتیه اجرا ایدلک لازم کلور ایکن باش
کاتبه تودیع ایدلش اولدیننه مبنی اعتراضات
واقعنه نك موافق قانون اولدینی بیانندن
عبارتدر .

ایجابی مذاکره اولندقده اعلام مذکور
مطالعه سندن مستفاد اولدینی اوزره بدایه مدعی
بولنان مذکور مرمره جق قریه سی اهالیسنك
قوم محصور اولوب اولدیننك علی الاصول تدقیقه
تین ایده جك حاله کوره تشکیل طرفین ایدلک
لازم کلور ایکن محکمه مذکورجه بوراسنه دقت
اولنامسی و ذات دعوی قریه مرقومه نك عموم
اهالیسنه عائد اولدینی حالده اثنای محاکمه
مدعی عمومینك حاضر بولندیر یله رق مطالعه سنك
استماع قلنامسی یولسز و قانونه مغایر و مستدعیلرك
اعتراضی ايله آلف الیان مطالعه نامه مندرجاتی دخی
بوجهتله متدائر اوله رق موافق نفس الامر
بولدیننه بناء اصول محاکمه حقوقیه قانوننك
ایکیوز اوتوز ایکنجی ماده سی حکمنه توفیقاً اعلام

ایچون کنندی خانه لری حولیسنده اغیل انشا
ایتمش اولوب انجق اهالی قریه نك اغنامنه
مخصوص مستقل مرعه سی اولدینی جهته اغنام
مذکور نك مرور و عبورنده ترلا و باغ
و بجهتله ضرر ویره جکی اولیابنده اجرا قلنان
کشفه تین ایتمسنه مبنی مجله نك بیک یوز طقسان
دردنجی ماده سنه توفیقاً مذکور اغیللرك ابقاسیله
اراضی قانوننك اون برنجی ماده سی موجبجه
حیوانات مذکور نك محل آخره نقلنه قرار
ویرلدیکندن و مستدعی تمیزلرك اشبهو اعلام
علیهنده لایحه لرنده محرر باشلوجه اعتراضاتی
ذات دعوی عمومه عائد اولدینی حالده اثنای
محاکمه مدعی عمومی بولندیر لمامسی و اهالی
قریه نك قوم محصور اولوب اولدینی تدقیق
ایدلکمزین تشکیل طرفین ایدلسی مغایر قانون
اولدینندن بجمله اعلامك نقضی استدعا سندن
و مدعی علیهمك لایحه لرنده مندرج نتیجه
اجوبه سی اهالی قریه نك التمش درت خانه دن
عبارت اوله رق قوم محصور اولدینی کی دعوانك
مرعا ادعاسی اولیوب شو صورتله عمومه عائد
برجهتی بولندینی جهته مأمور مومی الیهک اثنای
محاکمه حضورینه لزوم قانونی بولندینی بیانیله
اعلام مذکورك تصدیق طلبندن و سالف الذکر

مذکورک نقضیه قانون من بورك ایکیوز قرق درونجی ماده سی موجبجه کیفینک صور مشروحه دائره سنده یکیدن بلرؤیه اعلامه ر بطی ضممنده محکمه مذکوریه اعاده سنه وزیرده مفرداتی مرقم بشیوز یکرمی الی یحق غروش مصارف تمیزیه نک ایلروده حقسنر حقیقه حق طرفه رجوع ایتک اوزره اول امرده مستدعی تمیزدن اخذینه ۲ تشرین اول سنه ۳۰۶ تاریخنده متفقاً قرار ویرلدی .

علیه سنک مطالعه نامه سی الهرق اصول محاکمه حقوقیه قانونک ایکیوز یکرمی طقوزنجی ماده سی موجبجه تدقیقات تمیزیه اجراسنه ابتدار قلندی .

اعلام مذکورک خلاصه مالی مرقوم بنایوط وارچینک من بور بورکی ذمتده جهت کفالتدن طولایی امره محرر برقطعه سندله الاجنی اولان مبالغک مع فائض تحصیاتی طلب ودعوی ایتمی ومدعی علیهک دعوتیه اجابت ایتامسی اوزرینه تعیین فلان وکیل مسخر حضوریه اجرا قلنان محاکمه وتدقیقات نتیجه سنده سند مذکورده مرقوم بورکینک کفیل صفتیه امضاسی محرر بولندیغنه منی حاوی اولدینی بش بیک اوچیوز یتش بش غروشک مجیدی یکرمی غروش حسابیه مرقوم بورکیدن مع گذشته تحصیلیه حکمدن واشبو حکم علیهنده مستدعی بورکینک لایحه سنده محرر باشلوجه اعتراضی مستند ادعا اولان سند امره محرر بولمنسه منی محکمه مرقومه جه دعوی واقعنهک تجارت صفتیه فصل وحسمی اقتضا ایدر ایکن حقوق عادیه صفتیه رؤیت ایدلسی مخالف قانون اولدیغندن بخلله اعلام مذکورک نقضی استدعاسندن ومدعی علیه بنایوط وارچینک

قانونیه بدایت محکمه سندن ۲۵ مارت سنه ۳۰۴ تاریخنی و اوج عددی ایل ویریلان اعلامک تمیزینی استدعا ایدن قانونیه ناحیه سنک اکیرونه قریه سنده مقیم مانیفاطوره جی بورنی ایل مدعی علیه قریه مذکورده مقیم احباب املاکدن بنایوط وارچلی تعیین اولسان کونده دائره کدکرنندن باش مدعی عمومیک مأموریت

لایحه سنده مندرج نتیجه جوانی طرفینک صفت تجاریه بی حائر بولندیغنی بیانیه اعتراض مذکورک ردی وموافق قانون اولان اعلامک تصدیق طلبندن ومأموریت مشار الیهک مطالعه نامه سی مندرجاتی دخی منازع فیه اولان سند امره محرر ایسه ده دعوی واقعیه جهت کفالتیه مستند و بوده حقوق عادیه دن معدود بولندیغنه منی وظیفه حقنده کی اعتراضک موافق قانون کور یله مدیکی بیانندن عبارت بولمنشدر .

ایجابی مذاکره اولدقدده اعلام مذکور مندرجاتندن منقهم اولدینی اوزره دعوی واقعنهک امره محرر سنده مستند بولمنسه نظراً فصل ورؤیتی تجارت محکمه سنه عائد اولسیله محکمه مرقومه جه محاکم نظامیه نک تشکیلاتی قانونک اوننجی ماده سنده محرر اولدینی وجهله اعضای موقته حضوری و تجارت صفتیه فصل وحسم اولمتی لازم کلور ایکن حقوق عادیه صفتیه رؤیت ایدلسی یولسزومغایر قانون ومستدعینک اعتراضی شایان قبول اوله رق ذکر اولسان مطالعه نامه مندرجاتی موافق نفس الامر کور یله مامش اولدیغنه بناءً اصول محاکمه حقوقیه قانونک ایکیوز اوتوز ایکنجی ماده سی موجبجه اعلام مذکورک نقضیه

کلیک بدایت محکمه سندن ۳۱ مارت سنه ۳۰۸ تاریخنی و اون عددی ایل ویریلان اعلامک تمیزینی استدعا ایدن کلیک قضاسنه تابع اشکل کیر قریه سنده ساکنه شیخ کویلی احمد زوجیه سی نافعہ خانمک یوم معینده ایضاحات شفاهیله لر استماع قلندقدن صکره تدقیقات تمیزیه اجراسنه ابتدار قلندی .

اعلام مذکورک خلاصه مالی ارمودلی

حکم واقع موافق قانون اولدینی بیانیه اعتراضات مذکورہ نك ردی و اعلامك تصدیق طلبیدن عبارت بولمشد.

اجابی مذاکره اولندقدہ مندرجات اعلامدن مستفاد اولدینی اوزره دعوی واقعہ حقندہ اولجہ محاکمہ مذکورہ دن صادر اولان اعلام غیابینک اعتراض علی الحکم اوزرینہ تنظیم و اعطا و تمیزی استدعا قلنان اعلام مزبورہ عیناً و یا خود خلاصہ درج و املا ایدلسی لازم کلور ایکن محکمہ مرقومہ جہ اشبو لزوم قانونیہ رعایت اولنامسی سالف الذکر اعلام غیابی علیہندہ معترض ابراهیم اغا جانبندن درمیان قلنان دفع دعواسنک رد و یا قبولی حقندہ کی قرارک تفہیمی ضمنندہ تمین قلنان کوندہ مرقوم ابراهیم اغانک عدم اجابی اوزرینہ اولبابدہ کی قرارک دعوتہ اجابت ایدرک حاضر بالجلس بولنان معترض علیہایہ تفہیمی مقتضی اولدینی حالہ یوم مذکورہ معترض کلامسی سبیلہ قرار مزبورک تفہیم ایدلیہرک سالف الذکر اعتراض علی الحکم عرضحالنک ردینہ قرار ویرلسی اصول و قانونہ مقایرہ و مستدعی تمیز وکیلنک اعتراضاتی دخی بوجہتلرہ متدائر اولمسیلہ موافق نفس الامر

قریبہ سندنہ کائن مزبورہ نافعہ خانمک زوجی احدثن تفرعاً عہدہ تصرفندہ بولسدینی شہادتہ ثابت اولان بر باب خانہیہ مرقوم ابراهیم اغا طرفندن وقوعبولان مداخلہنک منی حکمی حاوی محکمہ مذکورہ دن صادر اولان اعلام غیابی علیہندہ مزبور ابراهیم اغا طرفندن اعتراض علی الحکم عرضحالی اعطا ودرمیان قلنان دفع دعواسنک استماعیلہ بر درجہ محاکمہ و جاہیہ اجرا قلنمش اولدینی حالہ مدافعہ واقعہ حقندہ کی قرارک تفہیمی ضمنندہ تعیین اولنان کوندہ معترض مرقوم طرفندن اجابت قلنامسنہ منی اصول محاکمہنک یوز الی طقوزنجی مادہ سنہ توفیقاً مذکور اعتراض علی الحکم عرضحالنک ردینہ قرار ویرلدیکندن و مستدعی وکیلنک اشبواعلام علیہندہ باشلوجہ اعتراضاتی حکم غیابینک عیناً و یا خلاصہ اعلام تمیز بہہ درج ایدلامسی و اعلام غیابی مزبور علیہندہ عندالاعتراض درمیان ایدلیکی مدافعہ سنک رد و یا قبولہ دائر ختام محاکمہ برقرار ویرلیہرک تفہیم قرار ایچون تعیین اولنان کوندہ اجابت قلنامسی سررشتہ سیلہ اعتراض علی الحکم استدعاسنک ردینہ قرار ویرلسی مغایر قانون اولدینندن بحثلہ اعلامك نقضی استدعاسندن و مدعی علیہانک نتیجہ جوابی دخی

سابق قضاء مذکور صندوق امینی کوچک علی افندی زاده حسن افندی تعیین اولنان کوندہ دائرہ کلدکارندن باش مدعی عمومیلک مأموریت علیہ سنک مطالعہ نامہ سی اندقدن صکرہ اصول محاکمہ حقوقیہ قانونک ایکوز یکرمی طقوزنجی مادہ سی موجبجہ تدقیقات تمیزیہ اجراسنہ ابتدار اولندی.

اعلام مذکورک خلاصہ مالی مومی الیہ حسن افندینک بر قطعہ آجیق بونو موجبجہ مزبور ظہاراکی افندی ذمتندہ مطلوبی اولان مجیدیہ اون طقوز غروش حسابیلہ درت بیک یدییوز الی غروشک تحصیانی دعوی ایتسنہ قارشو مدعی علیہ دخی مبرز سندکندوسنک اولدینغی بالاقرار مؤخرأ ایکوز الی غروش دہا الہرق بوکا مقابل بش بیک غروشہ بر جک اعطایلہ بر کوندینی قالدینغی مدافعہ درمیان ایتمش ایسندہ دفع مذکورینی اوراق رسمیه و شہود شخصیه ایلہ اثبات ایدہ مدیکی کبی طالب تحلیف دخی اولدینغہ بناء مدعیدن کفالت التہرق مبلغ مدعاہک بر موجب قرار موقت اجرایلہ مزبور ظہاراکی افندیدن تحصیلنہ حکمدن و مستدعینک اشبو حکم علیہندہ لایحہ سندنہ محرر اعتراضاتنک

کورلدیکنہ بناء اصول محاکمہ حقوقیہ قانونک ایکوز اوتوز ایکنجی مادہ سی موجبجہ اعلام مذکورک نقضیلہ قانون مزبورک ایکوز قرق دردنچی مادہ سی حکمنہ توفیقاً کیفیک یکیدن بالرؤیہ اعلامہ ربطی ضمنندہ محکمہ مذکورہ بہ اعادہ سنہ وزیردہ مفرداتی مرقم درتیوز طقوز بحق غروش مصارف تمیزیہنک ایلرودہ حقسنز چیقہ جق طرفہ رجوع ایتک اوزرہ اول امردہ مستدعی تمیزدن اخذینہ ۱۵ نیسان سنہ ۳۰۹ تاریخندہ متفقاً قرار ویرلیہرک تفہیم قلندی.

جسر مصطفی پاشا قضاسی بدایت محکمہ سندن ۴ مایس سنہ ۳۰۸ تاریخی ودرت عددی ایلہ ویریلان اعلامك تمیزیہ استدعا ایدن قضاء مذکورک بایندر محلہ سندنہ ساکن بانق عثمانی شعبہ سی مأموری تجارندن ظہاریہ پہ پہ افندی ایلہ تمیز علیہ ادرندہ پاپا تیمور طاش محلہ سندنہ مقیم

اولدینی محکمه ده رؤیتی احکام قانونیه اقتضاسندن بولمسنه کوره دعوی واقعنک تشکیلات محاکم قانوننک اوننجی ماده سی موجبجه اعضای موقته حضوری و تجارت محکمه سی صفیله رؤیت اولنمی لازم کلور ایکن حقوق عادیه محکمه سی صفیله رؤیت اولنمی قانونه مغایر و مستدعینک اعتراضی ایله مارالبیان مطالعه نامه مالی دخی موافق نفس الامر ایدوکنه بناءً اصول محاکمه حقوقیه قانوننک ایکی یوز اوتوز ایکنجی ماده سی موجبجه اعلام مذکورنک تقضیه قانون مذکورنک ایکوز قرق دردنچی ماده سی حکمنه توفیقاً کیفیتک صورت مشروحه وجهله یکیدن بالرؤیه اعلامه ربطی ضمننده محکمه مذکوریه اعاده سنه وز یرده مفرداتی مرقم درتیوزدرت بحق غروش مصارف تمیزیه نک ایلروده حقسزچیه حق طرفه رجوع ایتک اوزره اول امرده مستدعی تمیزظهاراکی افندیدن استیفاسنه ۱۱ کانون ثانی سنه ۳۰۸ تاریخنده متفقاً قرار ویرلدی .

باشلوجه سی کندوسی صنف تجاردن اولوب باتق شعبه سنک دخی مدیری بولندیغه کوره دعوانک تجارت محکمه سی صفیله رؤیتی مقتضی اولدینی حالده حقوق محکمه سنده فصل وحسم اولنمی مخالف قانون اولدیغندن بختله اعلامنک تقضی و تمیز علیه حسن افندینک لایحه سنده مندرج نتیجه جوابی بوقوله آچیق بونولردن متولد دعاوینک محاکم حقوقیه ده رؤیتی لزومی بدیهی اولوب اعتراضات مسروندنک واهی ایدوکی بیانیه ردی و موافق قانون اولان اعلامنک تصدیقی استدعاسندن و سالف الذکر مطالعه نامه مالی دخی دعوی واقعنک بانق معاملاتندن متولد اوله رق رؤیتی محاکم تجارتیه عائد اولسنه مبنی وظیفه حقنده کی اعتراضک موافق قانون اولدینی بیانندن عبارت بولمشدر .

ایجابی لدی المذاکره اعلام مذکور مندرجاتندن منقهم اولدینی اوزره بدایه مدعی علیه اولان مزبور ظهاریه افندینک صنف تجاردن اولدینی کی بانقه شعبه سنک دخی مدیری اولدینی داین حسن افندینک دعوی عرضحالنده مصرح اولسنه و هر دعوانک ایسه مدعی علیهک تابع

ازمیر تجارت محکمه سنندن ۳ کانون ثانی سنه ۳۰۶ تاریخی وایکوزسکسان ایکی عددی ایله ویریلان اعلامنک تمیزینی استدعا ایدن ازمیرده مقیم قاند اوغلی حمید رئیس ایله مدعی علیه ازمیرده دامله جی محله سنده ساکن احمد اوغلی عمرقبودان یوم معینده دائره یه کدکاری کی مدعی علیه طرفندن جواب لایحه سی دخی کوندردیکنندن اصول محاکمه حقوقیه قانون موقتنک ایکوز یکرمی طبقه وننجی ماده سی موجبجه تدقیقات تمیزیه اجراسنه ابتدار قلندی .

اعلام مذکورنک خلاصه مالی مرقوم حمید رئیس مزبور عمرقبودان ایله مشترکاً متصرف اولدقلمری اون سکر طونیلاته لق اثر ممدوح نام سفینه نک مصارف تعمیریه سنندن و کندوسنه اقراض ایلدیکی اقچه ایله امریه حاجی خرسونی افندییه ویرمش اولدینی مبالغدن طولایی الاجبی اولان یوز اوتوز برعدد سیم مجیدیه نک مع گذشته تحصیلی طلب و دعوی ایتش ایسه ده طرفین بیننده کی سفینه محاسبه سنک رؤیتله یکدیگرنده براقچه النوب ویره جک قالمدینی مدلولو لپان ریاستی مهریه مختوم اوله رق ابراز اولنان ورقه مندرجاتندن اکلاشله سنه و ورقه مذکورنک مهر رسمی ایله

مختوم اوله رق اوراق رسمیه دن معدود بولمسنه مبنی مدعی مرقومک رد ادعاسنه قرار ویرلدیکنندن و مستدعی تمیزنک اشبواعلام علیه بنده لایحه سننده محرر خلاصه اعتراضاتی اثنای محاکمه ده خصمی طرفندن ابراز اولنان ورقه طرفینک برکونه امضاسنی حاوی اولمامسیله مدار حکم اوله میه جنی درکار بولنش ایکن محکمه جبه بوراسنه دقت اولنیه رق ورقه مذکوریه بنای حکم ایدلمسی مغایر قانون اولدیغندن بختله اعلامنک تقضی استدعاسندن عبارتدر .

ایجابی مذاکره اولندقدیه اعلام مذکورمآلندن اکلاشلدینی اوزره حکم واقع طرفینک یکدیگری ذمتنده الوب ویره جکلری اولدینی مشعر مدلولو ایمان ریاستنک مهریه مختوم اوله رق مدعی علیه طرفندن ابراز اولنان ورقه یه بنا ایدلمش ایسه ده ذکر اولنان ورقه ده طرفینک امضاسی اولمیوب یالکز ریاست موسی الیهایه مخصوص مهر رسمی موضوع بولمسنه نظراً ورقه مذکوریه قانوناً مدار حکم اتحادینه صالح و ثائق معتبره دن معدود اولمیوب یالکز طرفین بیننده وفوعبولان ابرا حقنده شهادتدن عبارت اولوب شو حالده ابرای واقع حقنده تدقیقات لازمه اجراسیله تبیین

ایده جک حاله کوره ذات مصلحته قرار و یرلک لازم کلور ایکن محکمه مذ کوره جه بو باده قانون دائره سنده اجرای تدقیقات اولتیه ورقه مذ کوره نک ذکر اولنان ابرانک وقوعه دلیل کافی عدیه برمنوال محرر حکم ایدلسی یولسز وقانونه مغایر و مستدعینک اعتراضی موافق نفس الامر کور ندیکنه بناء اصول محاکمه حقوقیه قانون موقتک ایکسوز اوتوز ایکنجی ماده سی موجبجه اعلام مذ کورک تقضیه قانون مزبورک ایکوز قرق دردنجی ماده سی حکمنه توفیقاً کیفیتک صورت مشروحه دائره سنده یکیدن بالرؤیه اعلامه ربطی ضمننده محکمه مذ کوره به اعاده سنه و مستدعی تمیز حمید رئیسک بیقدرت اولق حسبیه قیدیه و صورت و تبلیغ خراجارینک استیفاسنه محل کور یله میهرک یالکز ز یرده مفرداتی مرقم ایکوز اون اوچ بچق غروش مصارف سائر نک ایلروده حق سز چقه جق طرفه رجوع ایتک اوزره اول امرده کندوسندن النسنه ۲۰ اغستوس سنه ۳۰۸ تاریخده متفقاً قرار و یرلدی .

اماسیه بدایت محکمه سندن ۱۱ مارت سنه ۳۰۷ تاریخی و بتمشیدی عددی ایل و یریلان اعلامک تمیزینی استدعا ایدن کوپری قصبه سنک طاش قلمه محله سی اهالی سندن اصادور یوم معینه دائره به کلدیکندن تمیز علیه قصبه مذ کوره نک اوزون زقاق محله سنده مقیم مغرک ایضاحات شفاهی سی استماع قلندقدن صکره تدقیقات تمیزیه اجراسنه ابتدار اولندی .

اعلام مذ کورک خلاصه مالی مرقوم مغرک کوپری قصبه سنده کائن سید محمد وزوجه سی فاطمه دن شراء برادرلری و ارتریس و مرقوم اصادور ایله مشترکاً متصرف اولدقلری معلوم الحدود بر باب خانه دن کرک شراء و کرک برادرلی مرقوم و ارتریسک اخیراً وقوعوفاتیله اندن انتقالاً متصرف اولدینی حصه شایعه سنه مرقوم اصادور طرفندن وقوعبولان مداخله نک منعی طلب و ادعا ایتسی و لاجل الحاکمه اولنان دعوتیه مرقوم اصادورک اجابت ایتماسی اوزرینه غیابنده وکیل مسخر تعیینیه جریان ایدن محاکمه اوزرینه خانه مذ کورک ثلث حصه سی سید محمد دن شراء مدعی مرقوم ایله ایکی نفر قرضداشک متصرف اولدقلری شهادتله ثابت اولسنه منی اشبو حصه نک

اعلان

ناشنه بر موجب شهادت و فاطمه دن النان حصه ایله متوفی و ارتریسندن منتقل حصه شایعه یی یمینه تعلیقاً مدعی مرقوم مغرک تصرف ایتسنه دائر کوپری بدایت محکمه سندن غیاباً صادر اولوب اعتراض علی الحکم وقوعیه تصدیق اولنان اعلام حکمنی مرقوم اصادور عدم قبول ایله محکمه مذ کوره به بالمراجعه استیناف دعوی ایلمش ایسه ده اولباده اجرا قلانسان محاکمه و تدقیقات استیناف نتیجه سنده مذ کور خانه نک مزبوره فاطمه دن النان حصه سی دخی اوچ برادر بیتنده مشترک اولدینی طرفینک خانه مذ کور حقنده اقدجه کوپری قصبه سی محکمه شرعیه سندن سبق ایدن محاکمه لری اوزرینه طوتیلان ضبط ورقه سنک مطالعه قلنان صورتنده کی قرارلرندن اکلاشلمش وشو حالده حصه مذ کوره حقنده مدعی علیه ک انکارینه و مدعینک اولجه اثبات مدعا ایده مامسندن طولایی تحلیفنه محل کور یله مامش

مابعدی وار

قره مرسل قضا سنک ایه نکلی قریه سی سکنه سندن دلی محمد اوغلی ابراهیمک چوبانی ارنبود سلیمانی اوچوز سکر سنه سی اغستوسنک ایکنجی بازار کیچه سی روولور قورشونیه جرح و قتل ایدرک فرار ایتش و غیاباً محاکمه سی اجرا قلنمق اوزره در سعادت هیئت اتهامیه سندن جنایتله اتهام ایدلمش اولان عن اصل یکی زغره مهاجر - لرندن اولوب وقبیه بک اوغلنده چاوش باشی محله سنده طوبخیلر جاده سنده ایکوزاللی نومرولی قهوه اوطنه سنده مقیم اولدینی اوراق میاننده بولنان تذکره عثمانیه سندن اکلاشیلان اورته بویلی الاکوزلی صاری بیقلی یکر می بش یاشنده طوبخانه عامره صنایع الایی افرادندن ایکن طرد ایدلمش اولان و مرقوم دلی محمد اوغلی ابراهیمک دیگر چوبانی بولنان اسماعیل بن عمر حقنده هیئت مذ کوره دن و یریلان اخذ و گرفت مذ کره سی اوزرینه مرقوم دردست اوله مدیفندن مرقوم اسماعیلک قانونه اطاعتله از مید جزا محکمه سنه کلسی ایچون اصول محاکمات جزائیه قانوننک

اوچيوز يتش برنجی مادهسی حکمنه توفیقاً طرف
ویاستدن تاریخ اعلاندن اعتباراً اون کون مهل
ویرلش اولغله مدت مذکوره ظرفنده دخی
ورود ایتمدیکی تقدیرده قانونه اطاعت ایتماش
نظریله باقیله رق محاکمه غیایهسی بالاجرا حقوق
مدنیهدن اسقاط واولدینی حالده اموالی چیز
ایدیله جکی و مرقومک بو باده برکونه دعوایه
حق اوله میه جنی کبی بولندینی محلی بیلنارک خبر
ویرمکه و بالجله ضابطه عدلیه مأمورلرینک
کندوسنی طومغه مجبور اولدقلری بیانیله اعلان
کیفیت اولنور .

فی ۱۷ مایس سنه ۳۰۹

الاجنی اولان مبالغک تأمین استیفاسی ضمننده
تحت حیزه النان درسعادتده بلبان اغا محله سنده
کائن اون نومرو ایله مرقم فوقانی و تحتانی بش اوطنه
و برصفه و بر مطبخ و بر قیو و دروننده اشجار
شمره و غیر مشمره بی و تخمیناً ایکیوز زراع بغچه بی
مشمئل بر باب خانه نک یوز یکرمی سهم اعتبار یله
مدیون مومی الیه عهدده سنه ارثاً انتقال ایدن اوتوز
سهم حصه سنک تاریخ اعلاندن اعتباراً اون بش
کون صکره بالمزایده فروخته مبادرت اولنه جنی
اسکدار بدایت محکمه سی اجرا دائره سندن اعلان
اولنور .

فی ۱۸ مایس سنه ۳۰۹